

古

史

古

史

伍員列傳第十二

古史三十五

宋蘇轍子由著

掃葉山房校刊

伍員楚人也字子胥父曰奢兄曰尚其先伍舉楚之名大夫也楚平王之在蔡也鄭陽封人之女奔之生子建卽位以爲太子使奢爲之師費無極爲之少師無極無寵于太子謀陷之言諸王爲娶于秦至而勸王自取之因說王大城城父以寘太子王聽之從而譖之曰建與奢將以方城之外叛王信之執奢而使奮揚殺建建亡奔宋無極言于王曰奢之子材若在吳必爲楚患王使召尚與員曰來吾免而父尚謂員曰爾適吳我將歸死吾知不逮我能死爾能報聞免父之命不可以莫之奔也親戚爲戮不可以莫之報也爾勉之矣尚至奢聞員不來曰楚君大夫其盱食乎楚并殺之員亡走吳過昭關昭關欲執之員獨身步走幾不得脫追者在後

至江江上有漁父乘舟知員之急渡之員既渡解其劍曰此劍直
百金以與父父曰楚國有命得伍員者賜粟伍萬石爵執珪豈徒
百金劍邪不受員未至吳疾止中道乞食至吳因公子光以見王
僚時王僚五年也八年吳伐州來敗頓胡沈蔡之師于雞父太子
建之母在鄭召吳人而啓之吳入鄭取楚夫人及其寶器以歸明
年侵楚滅巢及鍾離員因言伐楚之利于王僚公子光將爲亂沮
止之員亦知光有內志未可說以外事乃進勇士專設諸于光退
而耕于野以俟十一年楚平王卒秦女之子軫立是爲楚昭王王
僚因楚喪使母弟掩餘燭庸侵楚楚師强吳師不能退光因吳國
內空乃令專設諸襲刺王僚而自立是爲王闔廬闔廬以員爲吳
行人楚伯州犂之孫嚭奔吳吳亦以爲太宰以謀楚員言于闔廬
請爲三師以肄楚楚出則歸楚歸則出欲使楚道弊而後以三師

乘之闔廬以爲然楚于是始病自昭王卽位無歲不有吳師其令尹囊瓦貪而不仁國人惡之蔡侯唐侯朝于楚瓦以賄故三年止之二君歸因子胥伯嚭請師于吳九年三國伐楚敗囊瓦于柏舉五戰及郢楚昭王奔隨吳遂入郢員乃掘楚平王墓出其尸鞭之三百始員在楚與申包胥友員之亡也謂包胥曰我必覆楚包胥曰我必存之及員鞭平王尸包胥亡于山中使人謂員曰子之報讎其已甚乎吾聞人衆者勝天天定亦能勝人今子故平王之臣親北面事之今至于僂死人此豈天道乎員曰爲我謝申包胥吾曰莫塗遠吾故倒行而逆施之于是申包胥走秦求救秦不許包胥立于秦庭哭七日七夜不絕聲秦哀公憐之爲出車五百乘救楚與楚子西子期連敗吳師闔廬之弟夫槩王亡歸自立闔廬釋楚還擊夫槩王楚昭王乃復入郢十九年吳伐越越王勾踐擊傷

闔廬闔廬死子夫差立二年而報越敗之夫椒越王以其餘兵五千人棲于會稽使大夫種厚幣遺太宰嚭以請和求委國爲臣妾夫差將許之員諫曰不可臣聞樹德莫如滋去惡莫如盡昔有過澆殺斟灌以伐斟尋滅夏后相后緡方娠逃出自竇歸于有仍生少康澆使椒求之逃奔有虞虞思妻以二姚而邑諸綸有田一成有衆一旅遂收夏衆以滅過戈復禹之績今吳不如過而越大于少康或將豐之不亦難乎勾踐能親而務施施不失人親不棄勞與我同壤而世爲仇讎于是乎克而弗取又將存之違天而長寇讎後雖悔之弗可食已弗聽退而告人曰越十年生聚而十年教訓二十年之後吳其爲沼乎十一年夫差將爲魯伐齊勾踐率其衆而朝王及列士皆有賂吳人皆喜員獨懼曰是豢吳也夫諫曰越在我腹心之疾也壤地同而有欲于我夫其柔服求濟其欲也

不如早從事焉得志于齊猶獲石田也無所用之越不爲沼吳其
泝矣使醫除疾而曰必遺類焉者未之有也弗聽員屬其子于齊
鮑氏太宰嚭因讒之曰員恨其計不用將爲亂王使賜之屬鏹以
死將死曰樹吾墓以櫨櫨可材也吳其亡乎三年其始弱矣盈必
毀天之道也吳王聞之怒乃取員尸盛以鴟夸革浮之江中吳人
憐之爲立祠江上命曰胥山吳王旣誅員遂伐齊大敗齊人于艾
陵十四年會諸侯于黃池越入吳二十三年而越卒滅吳
蘇子曰伍員以父兄之怨破楚入郢鞭平王之墓世皆憐其志多
其才然士不幸至此不足以言功名矣而員至鞭舊君以逞逆天
而傷義卒以盡忠而喪其軀豈非天哉

伍員列傳第十二終

晉書卷三十五

晉書

晉書

晉書

晉書

晉書

晉書

晉書卷三十五

晉書卷三十五

晉書卷三十五

晉書卷三十五

晉書卷三十五

晉書卷三十五

晉書卷三十五

晉書卷三十五

晉書卷三十五

晉書卷三十五

晉書卷三十五

孫武 起列傳第十三

古史三十六

宋蘇轍子由著

掃葉山房校刊

孫武齊人也以兵法見吳王闔廬闔廬曰子之十三篇吾盡觀之矣可以小試勒兵乎對曰可闔廬曰可試以婦人乎曰可于是許之出宮中美人得百八十人孫子分爲二隊以王之寵姬二人各爲隊長皆令持戟令之曰汝知而心與左右手背乎婦人曰知之孫子曰前視心左視左手右視右手後卽視背婦人曰諾約束旣布乃設鈇鉞卽三令五申之于是鼓之右婦人大笑孫子曰約束不明申令不熟將之罪也復三令五申而鼓之左婦人復大笑孫子曰約束不明申令不熟將之罪也旣已明而不如法者吏士之罪也乃欲斬左右隊長吳王從臺上觀見且斬愛姬大駭趣使使下令曰寡人已知將軍能用兵矣寡人非此二姬食不甘味願勿

斬也孫子曰臣旣已受命爲將將在軍君命有所不受遂斬隊長
二人以徇用其次爲隊長于是復鼓之婦人左右前後跪起皆中
規矩繩墨無敢出聲于是孫子使使報王曰兵旣整齊王可試下
觀之唯王所欲用之雖赴水火猶可也吳王曰將軍罷休就舍寡
人不願下觀孫子曰王徒好其言不能用其實于是闔廬知孫子
能用兵卒以爲將西破強楚入郢北威齊晉顯名諸侯孫子與有
力焉孫武旣死後百餘歲有孫臆臆生阿鄆之間亦武後世子孫
也嘗與龐涓俱學兵法龐涓旣事魏得爲惠王將軍而自以爲能
不及臆乃陰使召之臆至龐涓恐其賢于已疾之則以法刑斷其
兩足黥之欲隱勿見齊使者如梁臆以刑徒陰見說齊使齊使以
爲奇竊載與之齊齊將田忌善而客待之忌數與齊諸公子馳逐
重射孫子見其馬足不甚相遠馬有上中下輩于是謂忌曰君弟

重射臣能令君勝忌信然之與王及諸公子逐射千金及臨質孫
子曰今以君之下駟與彼上駟取君上駟與彼中駟取君中駟與
彼下駟既馳三輩畢忌一不勝而再勝卒得王千金于是忌進孫
子于威王威王問兵法遂以爲師其後魏伐趙趙急請救于齊威
王欲將臚臚辭謝曰刑餘之人不可于是乃以田忌爲將而孫子
爲師居輜車中坐爲計謀忌欲引兵之趙孫子曰夫解雜亂紛糾
者不控捲救鬪者不搏楨批亢擣虛形格勢禁則自爲解耳今梁
趙相攻輕兵銳卒必竭于外老弱罷于內君不若引兵疾走大梁
據其街路衝其方虛彼必釋趙而自救是我一舉解趙之圍而收
弊于魏也忌從之魏果去邯鄲與齊戰于桂陵大破梁軍後十五
年魏與起攻韓韓告急于齊齊使田忌將而往直走大梁魏將龐
涓聞之去韓而歸齊軍既已過而西矣孫子謂忌曰彼三晉之兵

素悍勇而輕齊齊號爲怯善戰者因其執而利導之兵法百里而趣利者蹶上將五十里而趣利者軍半至使齊軍入魏地爲十萬竈明日爲五萬竈又明日爲二萬竈龐涓行三日大喜曰我固知齊軍怯入吾地三日士卒亡者過半矣乃棄其步軍與其輕銳倍日并行逐之孫子度其行暮當至馬陵馬陵道狹而旁多阻隘可伏兵乃斫大樹白而書之曰龐涓死于此樹之下于是令齊軍善射者萬弩夾道而伏期日暮見火舉而俱發龐涓果夜至斫木下見白書乃鑽火燭之讀其書未畢齊軍萬弩俱發魏軍大亂相失龐涓自知智窮兵敗乃自剄曰遂成豎子之名齊因乘勝盡破其軍虜魏太子申以歸臚以此名顯天下世傳其兵法

吳起衛人也好用兵嘗學于曾子事魯君齊人攻魯魯欲將起起取齊女爲妻而魯疑之起于是欲就名遂殺其妻以明不與齊也

魯卒以爲將將而攻齊大破之魯人或惡起曰起之爲人猜忍人也其少時家累千金游仕不遂遂破其家鄉黨笑之起殺其謗已者三十餘人而東出衛郭門與其母訣齧臂而盟曰起不爲卿相不復入衛遂事曾子居頃之其母死起終不歸曾子薄之而與起絕起乃之魯學兵法以事魯君魯君疑之起殺妻以求將夫魯小國而有戰勝之名則諸侯圖魯矣且魯衛兄弟之國也而君用起則是棄衛魯君疑之謝起起聞魏文侯賢欲事之因翟璜以見文侯以爲將擊秦拔五城起爲之將與士卒最下者同衣食臥不設席行不騎乘親裹贏糧與士卒分勞苦卒有病疽者起爲吮之卒母聞而哭之人曰子卒也而將軍自吮其疽何哭爲母曰非然也往年吳公吮其父其父戰不旋踵遂死于敵吳公今又吮其子妾不知其死所矣是以哭之文侯以起善用兵廉平能得士心乃以

爲西河守以拒秦韓文侯旣卒起事其子武侯武侯浮西河而下
中流顧而謂起曰美哉乎山河之固此魏國之寶也起對曰在德
不在險昔三苗氏左洞庭右彭蠡德義不修禹滅之夏桀之居左
河濟右泰華伊闕在其南羊腸在其北修政不仁湯放之殷紂之
國左孟門右太行常山在其北大河經其南修政不德武王殺之
由此觀之在德不在險若君不修德舟中之人盡爲敵國也武侯
曰善起爲西河守甚有聲名魏置相相田文吳起不悅謂田文曰
請與子論功可乎田文曰可起曰將三軍使士卒樂死敵國不敢
謀子孰與起文曰不如子起曰治百官親萬民實府庫子孰與起
文曰不如子起曰守西河而秦兵不敢東鄉韓趙賓從子孰與起
文曰不如子起曰此三者子皆出吾下而位居吾上何也文曰主
少國疑大臣未附百姓不信方是之時屬之子子乎屬之于我乎

起默然良久曰屬之子矣文曰此乃吾所以居子之上也起乃自知弗如田文田文旣死公叔爲相尙魏公主而害起公叔之僕曰起易去也公叔曰奈何其僕曰吳起爲人廉節而自喜名也君先與魏君言曰吳起賢人也而侯之國小又與強秦壤界臣竊恐起之無留心也魏君卽曰奈何君因曰試延以公主起有留心則必受之無留心則必辭矣以此卜之君因召起而與歸卽令公主怒而輕君起見公主之賤君也則必辭于是起見公主之賤魏相果辭武侯疑之而弗信也起懼得罪遂去卽之楚楚悼王素聞起賢至則相楚明法審令捐不急之官廢公族疏遠者以撫養戰鬥之士要在強兵破馳說之言從橫者于是南平百越北并陳蔡却三晉西伐秦諸侯患楚之強故楚之貴戚盡欲害起及悼王死宗室大臣作亂而攻起起走之王尸而伏之擊起之徒因射起并中悼

王悼王旣葬太子立乃使令尹盡誅射起而并中王尸者坐射起而夷宗死者七十餘家

蘇子曰太史公爲司馬穰且傳言齊景公時晉伐阿甄燕侵河上齊師敗績晏子薦穰且景公拔以爲將使寵臣莊賈監軍穰且因其後期戮之三軍畏之爲之用命遂以成功歸爲大司馬大夫高國害之譖而殺之其言甚美世皆信之予以春秋左氏攷之景公七年北燕伯款奔齊十二年公朝于晉請燕而納款十三年伐燕取賂而還十八年使高偃以兵納款于陽是歲公朝于晉投壺有言明年晉侯盟諸侯于平邱齊不欲盟晉人怒自是始貳于晉而末絕也四十五年公盟鄭伯于鹹盟衛侯于沙始叛晉自是凡四伐晉蓋未有燕晉伐齊者也而戰國策稱司馬穰且執政者也潛王殺之故大臣不附意者穰且潛王之臣嘗爲潛王却燕而戰國

雜說妄以爲景公時邪事旣不信故刪去穰且而獨爲孫武吳起

立傳

戰國雜說其妄者非一今皆正之矣然曹沐之劫齊桓穰且之却燕晉游說著書者時以藉口史記李克稱吳起司馬穰且且不能過魯仲連說燕將稱曹汶之盟其相襲謬妄久矣故時見于篇今亦不能盡正也

孫武吳起列傳第十三終